

慶二十二年女十七歲興瀕年亦十七已定於是歲十二月合卺不意是月初興瀕病歿女慟哭欲殉祖父母及親族苦勸之始成服詣靈筵自誓終身守貞

魚貞女蒲城縣蘇坊文學連升女孝廉飛龍之妹也縣東鄉沐惠村文學楊惟金與魚家世舊好因許其姪儒童際會爲繼室年十六道光二年際會病故訃聞女竊告母欲往弔連升聞而異之心許而未即出口也女日夜涕泣於母側諄切爲言連升憐其志誠遂許之爲擬作祭文情摯而義切聞者傷焉乃送女致祭歸楊事翁姑處妯娌以賢孝聞

劉貞女縣東仁義坊農家春禮之長女幼字前村西堡王喜

富平縣志稿卷九

節烈

二

官之長子理爲婦劉家貧女幼養於王氏道光二年三月理病春禮妻視之知理危篤夜宿貞女房謂之曰王生病已十分只在早晚間耳女含淚不語夜將半忽起挑燈梳粧收髮辨爲笄飾母驚醒問之對曰兒梳粧爲王家婦兒不歸矣母哭而婉諭之誓不改比天明其兄來視理疾見妹改妝狀疑翁家之強爲也忿而爭論理之父母曰此非吾所迫乃爾妹自爲之耳其母出言其故乃垂首無言而去時三月二十二日也是日理卒貞女卽服斬衰哭泣以婦禮守喪是年十八歲

張貞女蒲城縣蘇坊承祿之女名秀蘭少字富平西仁義坊

李逢昇之孫守禮之子繩祖道光二年繩祖年十四忽染疾至三月初三日故計聞女亦十四泣告父母欲法魚氏之女往弔父母憐其意懇許之卽於繩祖首七赴弔痛哭擬殉喪次夕夢繩祖止之請代事母卒以孝聞巡撫鄂山奏請

旌年八十卒

秦貞女楊長庚之聘妻渠上党楊堡人夫死奔喪養翁姑孝敬備至家酷貧茹苦含辛恬然自若邑令曹士鶴學使葛芋農薛任臣捐俸倡募以給其衣食迨翁姑歿甫葬卽自經時值回亂未及

旌有義賞公啟

富平縣志稿卷九

節烈

三

紀氏八聯劉家坡劉積慶妻于歸二年積慶以同治二年瘟疫死時避賊難在耀州暫寄埋於耀三年賊平歸里謀遷葬其夫別購棺屍已腐化人皆惡其臭惡難近氏親爲整理骨殖一指一髮安置如法葬時欲撲墓殉家人力阻歸卽服毒死報官請卹氏係洪水堡紀興福妹嗣其小妹及嫂劉亦因擒匪亂投井殉節

李貞女名仙娥官莊堡慶年女幼字上官村張百忍未嫁而夫歿欲奔喪父阻之適父出外乘間趨夫家哭之盡哀旋服毒死於柩側時同治六年擒逆亂未得報請

王氏赤兔坡邵全信妻全信業農而憐家極貧氏爲人備針

工以養夫始終無怨言鄰婦聳其規勸之氏曰勸之不勤吾安吾命而已光緒三年關陝旱荒饑民相食氏素賢而巧於針黹富室憐其饑贈以挂麪少許適夫他出未歸氏不忍獨食俟夫數日竟餓死麪猶存夫歸始悟號哭而死村人憐而殮葬之

黃氏侯家山仁義村趙致和妻十六歸趙姑多病不能下牀者十一年氏朝夕奉侍始終無懈容即歸寧父母不肯一宿父或留之氏曰父幸康強奈姑病臥牀辱他人事之稍拂意恐傷姑心耳卒因調養病以痊舅之兄弟四夫之兄弟五內外上下廿餘口氏皆善處無閒言其夫之從父行四者素鹵

富縣志稿卷九

節烈

四

葬後娶繼室甫入門即戒曰一家大小任爾言短長惟姪婦黃吾信其賢若和睦即爾等過也後其夫弟妻死氏撫姪與子愛教無異同治十三年氏因勞致疾服藥靡瘥其次女年十七猶未嫁割左手小指二節入藥病忽愈三月疾復發至於大病而亡享年四十三卒時舅姑年逾七旬爲之氣結者曩日親戚聞者均爲下淚稱趙氏賢婦死漆沮河東西無與爲比者女後字張廷楨

許氏白馬村王萬林妻年十二童養於萬林家萬林無父母惟祖母存越一年萬林出外貿易祖母旋失明氏母家以其年及笄萬林無音耗欲別嫁之氏以祖姑瞽無人奉養且願

待夫爲辭父初聽之年二十五父恐女終至無依意欲改適迨其歸寧父私匿女裙不欲令歸氏知之因假鄰婦裙着歸嗣後省親裙不離身朝往而暮還無敢宿焉年三十二適祖姑歸視母家覓鄰婦爲伴二鼓後萬林歸叩門自通姓名鄰婦欲啟戶氏止之曰二十年在外昏夜忽來真偽難辨隔門告以祖母客去令其暫假宿他處明日祖母歸集眾認之始行合卺禮越一年氏生一子萬林復出外絕無音耗氏事祖姑生養死葬悉出績紡鄰里鄉黨稱賢家雖極貧究無異志撫子成立且完娶焉

富縣志稿卷九

節烈

五

姚氏西鄉安家灣生員卜師夏妻年二十五夫亡家貧無子女門內無所依倚或勸之嫁姚曰豈有學校士人妻夫死而再醮忍腆學校而背亡夫耶先師夏死時值回逆亂鄉人各逃生命寄埋無棺木姚以織績自活積資數年始買棺斂親爲整骨以夫生前所愛書殉其葬里人有欲購其書者皆謝却之

李氏陳宗舜妻通關里七甲李懷珍之女年十六于歸陳完姻後不數日夫服賈四川寄氏於母家光緒十年九月夫病歸氏親理湯藥日夜憂泣病革謂氏曰我死家無所依汝他適不汝怨氏泣誓願以身殉十二月十二日宗舜歿氏託族兄宗堯購棺親爲含殮居喪次哀毀骨立越十日葬是時氏

欲殉於墓隨同送喪戚族力爲勸阻不得暇歸家五日伺兒嫂外出起服毒死年二十一紳耆呈報邑侯涂君親臨祭奠並助資以作葬費又詳請

旌表準建坊入祠此光緒十一年事也

萬氏李生吉妻年十九夫亡足不出門戶夫服三週潛挾小刀於墓前自刎爲親人所覺力阻歸後戚容漸釋家人弗防是夜整理衣裙服毒酒而死時張邑侯其翰李縣丞世欽並諭訓同至其家弔祭焉

何氏石聯璧妻受聘未笄而夫亡年十六聞喪欲往弔父母禁弗許復別議婚於方氏女終日鬱鬱不言一日偕母往郭

富平縣志稿卷九

節烈

六

外挑菜攜筐先行母後從之出郭野菜徧地弗顧也徑趨石家母追不及至牽女衣逼歸女哭云此兒生死地可入而不可出也方姓聞之控於謝邑侯侯長清謝哀其志批仍歸石守貞俟他日爲陳請女不憚艱苦日操井臼孝事翁姑數十年足未出門戶年已四旬髻而不髻依然女子粧故鄰人咸以女兒婆呼之後翁姑俱沒女曰生胡爲哉一夜無疾而卒邑紳具稟學使錫以匾額復請

旌

張氏房居信妻十六于歸事翁姑以孝聞未三年而夫亡氏以守義自誓葬後設夫木主祭於房中每食共具若生三載

足未出門夫三週氏祭奠痛哭見者莫不流涕夕歸舉家就寢扃戶自劉其項詰旦戶未啟家人視之見氏仰臥牀上衣裙整齊但項下微有血痕而已

柳氏劉緒祖妻夫爲髮逆所害事孀姑立志不移年荒無食雖日不舉火敬姑猶篤無片言怨姑以貧難度日欲奪而嫁之誓以死守迨姑死氏亦投井自盡時年二十六歲

李氏吳三常妻甘井李某女幼字三常嫁有日矣其父母心忽變欲改婚意甚堅非語言所能動甘井去吳家二里許女乘閒奔夫家未逾年而三常歿氏取猶子以爲嗣十餘年不出大門外鄰里鄉黨咸敬禮之

富平縣志稿卷九

節烈

七

紀氏劉隆棟妻年二十五孀老姑在堂奉事極孝值歲饑饉姑不飽己不忍飽姑不煖己不忍煖及同治二年四月閒姑病革將歿同逆擾亂村人皆先遠避亦喚氏隨之氏曰棄姑獨逃則心喪矣雖生何益自依牀蓐五晝夜不離賊營附近相去里許獨不入其村人咸以爲有神靈呵護也今年已七旬有餘撫姪爲嗣

房氏劉步敏妻年十七于歸時同治三年也步敏向在三原貿易至六年十一月初九日歸家病故氏年二十有二無子獨身居喪蓬頭垢面粧奩毀棄葬後設靈位於一淨室每日飲食必先薦而後始食卽出入必倚位告訴事死猶生三年

之入如一日焉比及禫祭之辰與諸姑設筵談笑若無傷悲之態當晚整衣束髮以刀刎喉卧牀而死次辰家人見其猶未出戶往視之屍在牀惟項下有刀痕無血汚狀面貌如生宗族鄉黨並傳烈婦之死與常人異時值兵燹兼饑荒未爲請

旌

田氏小田村士信女幼字王夫遠遊無音耗于歸之日即空房立志待夫誓不他適俟二十餘年氏亦四十餘矣人傳夫在外已歿有勸以他適者則怒叱曰汝輩欲逼我削髮爲尼耶鄉里咸敬之九十七卒於母家學憲許有貞壽堪欽額

富平縣志稿卷九

節列

八

任貞女縣緱村童子孫殿試之聘妻殿試十三而殤女奔喪及百日竟死不得期年祭畢自經年十五時咸豐十年正月初五日也邑侯江開以其事上聞且植柏於墓約同人作詩以表之

安烈女名翟釵與家窰人年十五同治癸亥正月同逆入境與父丹桂同匿深谷中爲時既久丹桂出探賊爲賊所執將殺之丹桂哀號女聞之出谷投賊願代父死賊不應以刀砍之女以身蔽父乃命二賊挾持女竟殺丹桂女見父被殺哭且罵賊欲汚之怒批賊頰憤罵愈厲賊斷其舌猶作罵狀賊竟殺之

高氏莊裏鎮東關班凌霄妻壬戌八月初一日回逆至氏不及避爲賊所獲欲汚之氏不從大罵賊怒撩氏髮至當街以戈刺之徧體鱗傷至死罵不絕口莊裏守城者悉見之

孟氏覓子鎮秦庚述妻同治六年正月十三日回逆竄出北山氏爲賊獲時年甫二十賊甚悅之強其相從氏大罵不屈賊不忍殺挽其鄉人勸之亦不從以刀懼之罵愈厲賊怒甚不欲其速死以木槌擊之欲其懼而後已槌擊終無同意羣賊亂挺擊而死

富平縣志稿卷九

節列

九

權氏西鄉大楊村楊瑞湜妻壬戌八月二十九日回逆黎明至村氏投井不及爲賊所獲遂大罵賊怒拖至石階前以石對擊骨肉如泥至死罵不絕口時氏二十一歲

周氏王家灣王士榮妻壬戌十二月歸王二年正月回逆驟至村眾驚散家人各逃性命不暇告氏亦不知賊至作戲謔語氏初猶以爲鄰人鬧新婦者繼見刀槍始知爲賊即大罵賊猶不忍殺語以從己之樂氏曰作賊婦不如立死爲愈罵尤甚賊遂殺之

張氏別堡別慎行妻癸亥四月初八日回逆至堡堡人盡避入明時所建之高樓氏未及避爲賊所獲賊見少艾欲汚之氏不屈遂大罵賊怒殺之血汚滿牆死徧體無完膚村人匿者聞其至死罵不絕口是日高樓亦爲賊焚男婦死者八百

餘人

楊氏洪水堡齊希賢妻十七歸齊事舅姑盡孝希賢於咸豐七年病歿撫孤治家井井有條壬戌同逆起時氏以積麥二百石盡賑貧乏迨賊入境鄰人感其德惠集百餘人護其母子北入耀州而守錢虜之因財喪命者指不勝屈矣嗣賊日支蔓村眾謀修築城垣為保守計楊氏復捐巨資以襄其事七年八月二十一日捻匪入境攻堡城賊不下萬餘愁霖更甚城外圯防守者無從著足二十三日天未明堡陷母子俱為賊執氏恐賊傷其子盡以家資輸賊丐其子命賊允釋即購鄰人負之而逃遂給賊欲乘間自盡賊窺其意強執氏袂

富平縣志稿卷九

節烈

十

斷袂罵賊賊怒欲捶之氏匍匐奔入井死時年已四十相繼

殉節者本堡劉氏紀興福妻紀氏惠思義妻興福之妹思義住侯

家堡其時趙氏紀起鳳妻紀氏劉新命妻起鳳之女仇氏齊

有成妻周家坡逃難居此者袁氏周牢兒妻

孫氏姚營坊馮崇紀妻同治六年正月十三日同逆千餘竄

出北山未及避為賊所得乘間投井賊又拯之出賊目方掠

財物遂令餘賊縛氏於牀以待賊目氏自度不免遂大罵賊

誘以財物不顧懼以刀槍亦不顧命同執之婦勸之亦不聽

罵不止賊怒剜眼拔舌猶作罵賊狀而死時年甫十九歸未

及二年同里士紳多作詩歌以頌之

劉氏劉育堯妻育堯年十九而歿氏年十七捻逆之亂氏年二十二賊至氏匿地窖中賊掘之氏投於井未死村人救之越日賊又至復投井賊拯之出欲擄以行氏泣罵不已賊窺其終無從意故不欲其速死以瓢擊之氏罵愈甚賊憤復擊之以槌至身無完膚始殺之

李氏王濬妻性慧貞潔自守同治六年三月捻匪入村婦女同匿一高樓賊破樓欲生致之呼使下眾緣梯下氏恐為賊污獨從樓檻撲墜願速殞命竟不果預身藏有厨刀執在手厲聲大罵自刎而死年二十七

富平縣志稿卷九

節烈

十一

匿地窖中賊破窖氏憤罵被殺

李氏來海兒妻李長榮之季女也嫁歲餘歸寧時值同匪突

至避之不及為賊捉欲擄之去氏念世書香家恐為所玷忿

然大罵賊以刃臨項嚇之而神色益厲遂遭害論者謂不愧

天生先生之裔云

趙氏范大才妻同治六年三月捻匪入村被執罵不屈賊欲

殺之乘間投井而死

梁氏田毓清妻年六十餘捻匪入村因護家罵賊被殺死

吳氏徐天德妻性和順寡言笑居恒儉樸同治元年夫翁相

繼歿孀姑惠氏在堂氏朝夕奉養惟謹六年三月髮逆至淫

掠婦女氏自毀其面遇賊泣別姑投井而死

王氏徐福祿妻李氏徐天篤妻温氏徐泰保妻王氏徐泰貴妻黃氏徐彥德妻同治六年三月鬻髮逆從地窖搜出恐被辱皆投井而死

康氏王萬選妻遭回變被賊執究詢地窖不言賊怒劈其頭血流徧地而死

關氏王楫妻同治壬戌十月十六日回入村氏恐污辱投井折股殞命

李氏趙培棟妻年三十餘同治元年閏八月回至寶村氏避不及遇賊逼氏証言已有女匿於他室牀下賊往尋氏乘間

投井死

韓氏梁學芝妻郭氏常開平妻皆青年同治元年九月同逆至村賊逼之怒罵不從皆被殺死

華氏仇恆吉妻年二十餘東魏村人同治六年三月髮逆至村氏合家藏井窖中賊用火攻家人懼皆出賊悅華色強之不從氏憤罵百端被殺

孟氏趙麟書妻杜村人賈氏趙天祥妻杜村人袁氏馬三紀妻杜村人

屈氏武生賀盛朝妻北鄉人田氏王士英妻皆清同治六年三月為髮逆逼不從用閒俱投井死

惠氏朱士奇妻年十八屏山學海之孫婦也同治元年閏八

富平縣志稿卷九 節烈 三

月二十九日賊至家有高樓乃明季所建以避流寇者舉家

咸登堅守聞賊火樓眾懼議開門氏夫婦爭之曰火固死開門亦死等死耳不如死於火也眾弗聽門啟賊將眾維繫之

覩氏貌驚其艷百方脅誘氏峻拒不少屈一賊欲負氏逸出不意拔頭上釵刺賊目貫睛賊痛擲氏於地旁一賊持長矛

嚇之曰不從便殺氏忿罵曰嗜豬狗連殺我吾一門已登鬼錄終不向汝豬狗求活也賊挾矛以恐之賊適他顧氏乘間

引矛自刺其腹死賊恚肆其毒一門少長靡子遺焉

劉氏石松齡妻同治六年髮逆入堡遇氏賊以少艾強扶馬上氏大罵不絕墜馬卧地不起以頭觸石求死賊挽之意欲

其從氏罵愈烈賊挾之懼以刀氏忿以首撞刀腦破而死

呂氏石永魁妻生員海峯母也性至孝識大體年二十六亡子幼薄田僅能餬口子長使就傅筆墨束脩俱出紡績及子

入庠愈加勉勵以擢高科光門閭同治六年三月二十二日捻匪至村氏與村中婦女及媳并氏避居高樓上賊欲焚樓

憐氏年邁勸令下氏不可遂與三十餘人俱焚死賊退灰燼中氏屍獨完咸謂得素居正氣之驗

趙氏生員石翰章妻素嫻婦訓同治六年捻逆入境村人多逃避氏以貧無資出外因勸夫出走自匿村窖中賊搜出覩

富平縣志稿卷九 節烈 三

立不動賊怒甚以刃刺喉而死年二十九歲

石氏劉殿鰲妻事翁姑以孝聞處妯娌以和著家中數十口恆不睦翁欲斬產氏跪翁前婉言解勸翁以氏賢孝遂釋怒同治六年捻匪入村家中男子皆避去婦人俱入地窖氏出見房舍已燼夫屍橫列氏號泣怒罵賊尚未去怒以刃相加乃抱孤投井而死

樊氏劉秉忠妻遇同逆大罵不屈投井自盡

王氏劉之翰妻被髮逆所獲大罵不屈投井自盡

樊氏孫王典妻遇同逆大罵不屈投井自盡

黨氏王囊妻年十七于歸越年夫亡立志守節撫姪為嗣茹

富平縣志稿卷九

節烈

齒

葉飲冰數十年若一日同治二年同逆亂氏避於高樓賊炬樓而死時氏五十有八歲

樊氏馮兆豐妻同治元年八月十八同逆入村氏被擒賊欲

擄以行扶於馬上氏罵口不絕墜馬三次賊怒殺之

王氏緱凌漢妻值髮逆大罵投井自盡

張萬美二女適馮氏歸家遇同逆急欲投井未下賊至竟殺

之

張修甯女未嫁被同逆所獲恐受辱厲聲大罵賊怒竟撻死

李氏馬元臣妻同逆至投井自盡其子步吉同日遇害

張修甯妻楊氏同逆至投井自盡

陽氏楊耀春妻同逆入村投井而死

惠氏張綬妻不從同逆撻至死罵不絕口

王氏張友直妻被同逆所獲逼其從憤然毀罵賊怒以槌亂

擊死時罵聲不止

惠氏張萬英妻不從同逆撻死

劉氏王允杰妻不從同逆見殺

秦氏車友義妻髮逆入室執其翁氏手攜二女出罵賊不顧

欲辱之氏罵聲愈厲賊怒支解三日始埋手仍持二女生

人不能開焚香敬告乃自解其家舊畜小犬老犬死氏育以

己乳氏死後犬守屍數日夜不離亦不飲食他犬弗敢近也

富平縣志稿卷九

節烈

至

景氏車生義妻年十七于歸甫半載生義即出外無恙耗氏事孀姑孝敬備至迨姑年八十餘死氏喪葬盡禮年四十遇

同逆不辱被殺

李氏王俊妻長髮至恐被辱自殺於樓下

張氏王愛蘭妻張氏任長秦妻王氏任茂德妻任氏支福林

妻馬氏任三吉妻趙氏任益敬妻李氏胡湘雲妻李氏趙進

榮妻皆遭髮逆之難投井自盡

雷氏僧生趙鼎亨妻周氏任慶雲妻索氏任益謙妻皆罵髮

逆不屈殺死

李氏任殿秀妻殿秀死同逆難氏亦投井自盡

趙氏生員任運愷妻李氏任玉章妻王氏任玉元妻俱遭同逆之難投井自盡

馬氏任振鼎妻姑病不起氏禱於神割股肉煎藥進姑遂愈後以壽終同逆亂氏被獲厲聲罵賊投井死

段氏雷澍妻年十九夫死無子奉翁姑撫夫弟人稱賢孝同治六年髮逆入村氏因夫弟幼弱不及避被執怒罵不屈賊斫其兩臂死

張氏任錫璧妻罵同逆不屈殺死

黨氏李榮高妻年二十六遇髮賊氏辱賊刀賊執其手罵不絕口賊斷其手足而死

宣縣志稿卷九

節烈

三

劉氏雷興茂妻年二十七髮賊至被執不從賊殺之

姚氏陳深妻年二十髮賊至氏持刀謂嫂曰若到不測必自殺毋受辱後賊掘井窺氏投井死

孟氏姚萬祥妻年二十二同匪入村氏避地窖中及賊掘井氏恐被獲投井而死

董氏劉學校妻年二十一歲同治六年髮逆至避地窖中賊掘井謂姑曰兒甯死必不受辱遂投井死

鄭氏張生春妻及夫弟生蘭妻同治六年髮逆入村妯娌恐為賊執並投井死

楊氏增生楊文桂妻姑有疾氏禱神跪三日願以身代姑病

愈同治元年同匪入村因護姑被獲罵賊賊殺之

姬氏張崙妻年二十孀居無子孤身歷艱險鄉里莫不憐其苦節撫姪為嗣使衰門延一綫皆氏之力也迨年四旬餘值髮逆亂未遑趨避入一小房閉門自縊死

鍾氏楊巨川妻瑞湜之從母也瑞湜妻權氏遇害鍾氏亦罵賊賊以戈擊之鍾佯死明日賊又至鍾及夫姊師三合妻楊氏同投井死

三合科子頭師堡人楊時歸甯省母故借鍾權投井死

劉氏吳村楊福來妻年十六于歸未期年夫走新疆十餘年無音耗同治六年四月初八日捻匪至氏入地窖賊掘窺氏投井不及為賊獲罵賊不屈乘賊不防復投井死賊去數日

宣縣志稿卷九

節烈

七

家人收骸井中縋出顏色如生衣帶縫結甚固蓋預為死也地者

文氏廟溝堡陳諒妻白氏劉大忠妻與文同堡居癸亥正月十九日同逆入境時鄉村尚不知保守堡寨無論男婦聞警即逃二人未出門賊已進堡促令作炊許以不死竟不從賊以刀砍之併大罵而死

李氏別堡別德潤妻同治六年正月十三日同逆竄出北山氏為賊獲欲污之氏不從以刀懼之氏厲聲大罵賊殺之於其家後樓下

李氏北韓堡韓維純妻十八孀居守志四十餘年人均服其

清操同治癸亥四月同逆入堡拉氏至當街窺賊意似欲有所問者氏怒曰何物豬狗敢持吾臂賊亦怒曰老嫗罵人該死罵愈甚賊以碓錘擊頂死

樊氏楊堡楊萬全妻同治六年八月捻匪至堡被獲遂罵賊賊以刀懼之時氏立井畔翻身投井死

楊氏官莊堡李樹桂妻同治六年正月十三日夫婦俱爲賊獲賊殺其夫欲活氏氏泣且罵曰殺吾夫仇也害人賊也吾不能殺汝是吾之恨也隨夫俱死吾心所甘也愈哭愈罵聲動四壁賊怒殺之

齊氏橫坡村寇堡王思泰妻同治元年八月二十日同逆至

富平縣志稿卷九

節烈

夫

偕夫奔逃賊追及之殺其夫氏痛哭指賊厲罵生死不顧賊怒亦殺之

陳氏寇堡高正順妻同治元年同逆至氏入地窖聞其夫爲賊所殺氏曰夫死吾不欲獨生願從夫於地下矣村人阻之不得遂出憤罵賊亦殺之

張氏劉升才妻才居西鄉阜角村西堡同治六年捻匪入村氏爲所執大罵賊以刀懼之無畏容遂投井死

張氏康家洞康錫夢妻同治元年十二月同逆入城氏爲賊執賊曰從吾則生不從則死氏曰死則死矣決不從賊賊曰罵吾爲賊命速殺之

廟溝堡距洪水堡里許城以外圮同日堡陷投井盡節者

氏劉貴妻米氏劉思治妻蒙氏劉義妻李氏劉思善妻李氏

張琴妻處女劉鴛鴦兒劉貴女嶺南趙堡逃難者居此劉氏趙申妻劉

氏趙春元妻袁氏趙大吉妻姚氏張大廷妻劉氏趙登科妻

周家城逃難者居此高氏周運豐妻黨氏劉經妻王氏周興文妻

莫氏莫家河生員莫仲麟妹李善兆妻同治六年捻匪入境

氏及村人匿於趙氏河側之高窰賊自上掘之漸及窰頂村人議降氏曰吾生員妹也降之何面見我兄乎哭且罵遂抱

子投河而死

劉氏西鄉綾里溝窰莊李中桂妻同治二年二月二十六日

富平縣志稿卷九

節烈

夫

同逆三千餘天未明潛至劉進堡不及賊追之氏大罵抱子投井死

吳氏綾李溝窰莊李步雲妾同治二年四月初八日同逆二

千餘天未明復至爲賊執欲污之氏惡拒毀罵遂投溝死

劉氏莫家河莫仲禮妻同治二年同逆入堡強氏從之氏拒

罵不行賊貪掠財物乘間投溝死

楊氏河西尙家堡尙兆瑞妻年二十五夫亡立志守貞未一年而同至罵賊投井死

田氏喬自興妻嫁時年十六越三載夫亡子帶兒甫週歲家貧甚以紡績度日後帶兒殤氏無以聊生終歲居母家人有

勸改適者則怒且泣回逆亂氏以罵賊死

田氏會居誠妻事姑孝同治癸亥回逆至姑婦避賊於地窖中賊以火熏之不出賊去氏扶姑出而姑年老又中烟毒屢升屢墜氏不忍舍姑獨出須臾皆死

趙氏惠智量妻回逆亂氏為人執爨聞夫受賊重傷歸至半途遇賊賊欲犯之氏辱罵不堪賊怒以戈亂刺徧體鱗傷猶未殞命匍匐至家無何夫死氏亦投井自盡

劉氏劉應祥妻壬戌八月回逆至氏恐為賊所污賊甫入村即偕其女投井死

富縣志稿卷九

節烈

三

擲井中

曾氏劉文寬妻回逆至不受賊污投井死

李氏劉述本妻年二十四遭回逆之亂為賊所執不屈遂被賊殺

劉氏王永文妻捻匪至遇賊欲擄以行氏拒而不從百般毀罵賊怒兵刃交下時年十八

李氏保立紀妻不受賊辱執厨刀砍賊賊執而支解之

田氏劉涵妻六年三月捻逆至氏匿地窖中賊掘之氏投井中未死七月賊又至以火熏地窖氏獨不出偕其二女一子死

董氏田種輝妻事姑至孝六年捻逆至為賊所執氏恐賊害其姑再拜辭其姑佯從賊去至城門外自度無有脫身處身藏利翦刺賊賊怒磔之

張氏楊永禮妻汝氏楊永信妻同時遇賊賊欲擄以行張氏指賊憤罵賊以刀砍之汝氏遂乘閒投井死而張氏徧體鱗傷其死尤苦

呂氏白成琳妻捻逆至村氏恐賊擄攜其女巧花兒並投井死

惠氏楊振河妻六年捻逆至恐受賊辱投井死

王氏劉萬勝妻年二十四萬勝死捻逆至氏為賊所執乘閒投井死

富縣志稿卷九

節烈

三

投井死

王氏劉俊妻回逆至氏未及避為賊執欲擄以行氏罵不已強挾至馬上屢墜罵益甚賊怒殺之

李氏廟劉堡劉牛兒妻同治元年避回匪難攜子女遠逃遇賊殺其夫將挾氏以行氏憤罵賊怒皆殺之

王氏原宗妻性素和順不苟言笑其姑善怒氏以數語解之即平六年捻逆至氏居母家井中穿穴而匿焉名曰地窖賊掘之出氏怒罵賊不顧又自扼其喉亦不死乘賊搜掠財物急投井死

劉氏校世選妻年二十捻逆破地窖獲之氏乘閒投井死

趙氏張天佑妻捻逆亂不受賊辱投井死

件氏陳瓊妻同治元年八月三十日瓊禦同逆戰歿氏聞凶耗投井死

閻氏由昌基妻年二十七孀居同逆至弗及避為賊所執怒罵不屈死

王金釵半截塔西王堡王廷玉女幼許鐵門李銀娃同逆亂女年十五癸亥夏疫氣大作女以母病不離左右賊驟至弗及避賊執欲犯之女怒罵不己賊不忍殺女罵愈憤自搥其面血淋漓乘間投井死時有同村居者王廷珍女名春兒年十四賊已執之矣女自若若弗驚者給以計亦投井自盡

實縣志稿卷九

節烈

三

劉桂兒劉集鎮立本女年十五遭捻逆亂賊至匿地窖中賊掘之出使數人守之女乘間投井死

王氏大壽女幼字華陽張堡孫名魁捻逆亂女父母倉卒送女至夫家未合昏賊至獲女於地窖中女乘間投井賊拯出欲犯之女怒罵不己賊毒撻女罵愈甚賊怒支解之死時年十六云

任氏桂昌之女適寨上田壽雁二年四月賊至甫扃門將入地窖其嫂未入門為賊執賊挾刃逼其嫂扣門曰賊已去可開門氏不知其給己也門開賊入氏詈嫂欺己且怒罵賊忿殺之又以火焚其屍焉

唐氏從九黨元熾妻笄年于歸孝翁姑敬兄嫂年十九而夫
子僅二歲孀居撫孤同治六年三月二十日髮逆驟至度
難免遂投井以全節

趙氏黨家模繼室性情貞靜事孀姑撫猶子禮節自持紡績
寒暑不倦同治壬戌同逆擾村氏已六旬堅守故廬賊焚屋
宇氏罵賊被害池陽副榜郭聯第撰文表墓

陳氏溫啟毓妻年二十四夫死家貧姑老子幼氏以女紅供
養同治二年同逆掠村罵賊不屈賊忿以刃亂砍而死貞潔
自守五十年

朱氏孟學孔妻遇賊不辱投井死

實縣志稿卷九

節烈

三

馬氏師錫福妻孀居以禮諭賊賊置若罔聞怒擊之氏即大
罵不屈遇害

曹氏楊大愉妻同治六年髮逆至氏攜二子將避不及為賊
所獲即誑賊有首飾若干埋某處賊信為然往掘之氏乘間
奔至井畔先將二子推落自隨投之而死

奉氏劉俊興妻罵同不屈被鎗擊死

吳氏程建極妻同治六年三月髮匪至避於地窖賊掘之氏
懼被污辱由窖投井完節

周氏陳東泰妻年二十而寡同治五年三月二十日髮匪至
時氏年五旬有八矣自念苦節三十餘載何可以皓首敗節

遂自殞於地穴

王氏何毓春妻孟氏何得辛妻同治六年三月髮匪至匿窖不及投井全節

王氏杜士廉妻事翁姑稱孝同治二年四月初七日回焚室氏年逾五旬罵賊不屈身受重傷撲火殞命

侯氏生員喬楠繼室子婦謝氏謙福妻同治六年三月二十日髮匪突至姑婦懼辱投井全節

楊氏武循序妻壬戌回逆犯南社露刃挾氏導地窖氏大罵賊刺七刃死

曹氏董生第妻年二十同治六年三月髮匪擾村氏不受辱

罵賊投井死

富平縣志稿卷九

節烈

言

惠氏韓念本妻年三十而念本歿家貧無子事衰姑以孝聞同治六年三月捻逆突至氏偕男女數十人入地窖避賊無何賊由井角持刀秉燭直下莫敢攖者窖遂破逼令男女出氏謂其夫弟妻王曰必受辱盍死之王曰焉得死會羣男女翼而升氏讓王先登甫至窖口用手推王陷井氏即繼之並死井中時氏年四十三王氏年二十四

康氏韓世隆妻同治元年十月回逆淹至氏避窖不及為賊所獲一賊慕其少艾扶之馬上氏憤罵不從屢墮羣賊掖之罵愈甚賊怒支解之時年十八歲

高氏楊文質妻年二十六孀居同治六年捻匪來時避居地窖賊持刀入窖驅氏出降氏抗節不屈同時地窖中有氏之夫妹楊氏母女二人亦不屈自以火焚其衣物賊急出窖俱熏死

楊氏楊君賜女幼字李姓年十六尙未及嫁遭回逆之變與諸婦避藏不及賊覩氏年少獨逼之氏憤罵不已賊斷其手罵尤烈賊復斷其臂遂刺其腹而亡

董氏楊朋妻李氏貢生楊天恩妻同治二年四月回逆至家董氏李氏迫不及避俱持厨刀罵賊賊以二氏年少不忍遽殺二人將自刎復慮賊辱其屍遂誘賊息怒乘間相攜投井

富平縣志稿卷九

節烈

言

而亡

邵氏邵英桂女許婚生員惠楷年十六尙未嫁同治六年髮匪抵家付氏粉粧氏擲於地又付氏錦衣氏亦毀之罵不絕聲遂趨投井賊怒殺之棄屍於井

武氏孫曰信妻同治二年四月回逆入境氏年二十一以服事姑病未及避姑婦相對啼泣賊至殺其姑氏以手護指為賊刃所傷氏恐不免以獻地窖誘賊於井邊遂投井而亡吳學使給以節孝可風匾額

張氏井可勤妻同治六年三月髮逆入村氏已匿地窖其一子一女尙幼未及避賊詢子女知氏在窖中賊將入地窖氏

以戈奮擊抗不屈節使賊困於半井不得入審賊又以子女投井扶之令氏出審氏怒罵不已賊忿以子女投井中氏亦由地窖投井而亡

孫氏景福餘妻同治二年四月同逆至氏以姑病艱於步履不忍拋棄遂負姑奔審將近井賊至以戈擊氏投井死

紀氏賀長英妻同治五年于歸六年三月在母家二十二日聞賊至氏偕其父鳳鳴上高樓避甫出門賊騎已入南門氏知不免恐累父勸父閉門速越牆逃遂投井死

金竹兒紀培利女年十六同治六年三月二十二日髮匪入境適培利出外未歸母梁氏邀女上樓避女泣謂母曰高樓

地甚狹擁擠於稠人之中暫時猶可倘延信宿父又不在甚非雅道不如死之梁與女同出門行至井畔女投井母俯哭聞賊忽至梁氏亦投井死

富平縣志稿卷九

節烈

三

劉氏生員紀瑞麟妻同治六年三月二十二日髮逆入村投井死

黃氏武生紀三元妻同治六年三月二十二日髮匪入村避不及自縊殞

邵玉姐縣東北鄉蓋村鎮優行增生蔭棠之女廩生晉之妹同治元年同逆亂玉姐年十四十月十四日賊至村舉家倉皇催玉姐逃玉姐泣然曰母病卧牀安忍拋棄願偕母死兄

與父速去事急矣勢難兩全妹女流死無足惜願留侍母勿為念及賊至母死焚其室女護持母死火中賊退家人歸於灰燼中視女屍緊抱母遺體面色如生

紀水仙貢生紀銘鼎女年十六幼字生員雷震未嫁同治六年捻匪至家女見家人俱遇害乃憤罵不已持石塊擊賊中腕賊護傷女知弱不敵強遂投井死

胡氏強村廟後堡劉綱妻年三十而寡無子撫育諸姪孝事翁姑和處妯娌矢志守貞同治六年髮逆至氏與家人及同村婦女避於地窖賊破窖其他俱為賊誘出氏獨不聽且厲聲辱罵賊忿以火熏之竟死於窖中

樊氏強村廟後堡生員劉耀奎繼室青年居孀柏舟自誓上事孀姑丑氏菽水承歡下撫幼子昶兒荻丸致訓紡績無懈鄉黨稱賢孝焉昶既成立氏為娶婦由氏生子純嘏同治六年髮逆入村子昶出外氏偕姑媳抱孫純嘏匿地窖中賊破窖氏恐受污遂與姑及媳抱孫由窖投井同死

彭烈女閭村彭堡武生彭占魁幼女年十七未字同治六年髮逆入堡女恐污辱投井而死

富平縣志稿卷九

節烈

三

彭烈女閭村彭堡金茂女年十八未字同治六年髮匪入堡女為所執欲污之女強拒不從百般毀罵賊怒殺之

程烈女名海棠象賢女性至孝年甫十三歲同治六年三月

皇催玉姐逃玉姐泣然曰母病卧牀安忍拋棄願偕母死兄

二十日髮匪至匿窖不及爲賊所執海棠假指某處有窖賊信爲實乘閒投井死

劉烈女錫祿女字曹姓娶有日矣適髮逆至女偕母及村媪同匿窖賊掘窖村人惶恐出女泣謂母曰母年邁可免掠兒少艾何能免遂以帶縛大銅鑪繫項倒身投井中時女年十七

李烈女盤龍灣發魁女乳名四女年十五同治元年八月同逆至女被獲賊欲污之強拒不從賊加箠楚女至死大罵不絕聲賊忿縛女於樹以矛亂刺死

金簪兒楊友愷女年十六未字同逆亂恐爲賊執預投井自盡

富縣志稿卷九

節烈

天

王氏處士孫儀妻幼嫻禮儀性貞靜同治六年髮逆入境氏謂家人曰人生以節義爲重命爲輕吾不能爲賊所辱惟死而已一日賊突至氏持刀罵賊遂自刎賊以爲烈覓棺殮之惠氏處士孫丕基妻同治六年髮賊入境氏謂家人曰吾翁姑已歿子職盡矣賊至爾等各自遠逃無絕後嗣吾不能爲賊所污夜抱子投井死

李氏李金科妻同治元年同逆叛氏藏地窖中賊搜出怒撻不屈投井死

段氏王焱妻李氏王秀妻張氏王俊妻紀氏王賓繼娶年最

少鄉飲者賓紀聯峯女歲貢生新猷妹同治壬戌夏回匪倡亂臨渭聞焱與秀俱貿易涼州賓移家避於峪口干河因種

麥賓偕弟俊攜妻嫂歸閨八月初一日同匪入境初二日平明攜妻嫂遁走賊騎漸迫同入託惠村避賊賊執賓砍之賓佯死賊窺紀段色美欲擄之去紀氏引佩刀自刎賊復脅其嫂段氏怒罵賊眾兵之賓後傷痊赴涼州其叔父凌漢自干河歸十月十五日賊騎又突至李氏張氏亦避不及被獲李氏憤罵賊怒投火中張氏乘閒投井死凌漢亦遇害全家殉焉

富縣志稿卷九

節烈

完

翟氏王登武妻年十七于歸越兩載登武得罪於父西行出口無音耗子維亮在抱氏奉翁姑撫幼子歷年翁姑歿家計艱難惟仗紡績緘帶度日子亦成立同逆亂作堡人皆避城樓而翟年七旬有三不能隨眾登樓賊入堡維亮不忍棄母並投入井嘗死

紀氏城西村惠大年妻年三十二歲丁卯三月二十二日捻匪入村氏在母家恐被辱抱其幼子投井自盡

胡氏同大治妻爲髮逆所執叫罵不屈支解死

劉氏田毓林妻遇同亂恐被辱預投井死

陳氏田永祿妻遇同逆抱子入井死

梁氏董文蔚妻遇賊至恐辱投井死

王氏董文俊妻遇同逆投井自盡

王氏孫思孟妻幼寡事姑盡孝聞同逆至恐被執泣辭姑預投井死

董氏康省身妻年少姿艷賊至自毀容貌猶恐被辱投井自盡

楊氏雷銓之妻同逆之亂雷選領鄉團勦賊渭南身亡氏慟哭視殮後吞金而死年二十二

楊氏張啟鳳妻年十九歲夫亡子書典方歲餘家極貧以紡績度日撫子成立娶婦王氏捻匪擾亂王氏年十七為賊獲暗藏利剪刺賊不中遂自刺喉而死姑楊氏亦被賊殺

富平縣志稿卷九

節烈

三

李氏劉述本妻年二十四同逆入村為賊所執不屈死

王氏中立之女景福貴妻同逆擾亂逃避不及為賊所得氏默思難脫佯作從行狀行數武至井旁投井自盡

趙氏生員石含章妻事翁姑甚孝勤營家務年二十四歲捻匪擾亂擄掠鄉村婦女氏遇賊欲自盡無地厲聲罵以激賊怒割其耳刺其喉斃於巷衢學使吳給以紅顏碧血額門

周氏張槐井妻同匪亂槐井廬墓為賊所傷氏殮夫屍後遇賊預投井死

石氏惠應舉妻年二十二而寡家貧親老無子竭力奉養紡績度日寒暑無閒矢志守貞迨翁姑歿時營葬後捻匪至氏

恐被執受辱預投井死

許氏楊福恒妻年二十歲同治六年三月二十四日捻匪駐營堡賊尚未至氏對母誓曰若到不測只有一死決不受賊辱及賊候至避之不及罵不絕口賊近氏棄子道側自投井死

萬氏張文會妻年二十夫亡翁姑疾割股進卽痊同治元年同逆破美原鎮氏年六十二歲率同巷婦女坐井上言曰殉節勝如偷生俄而賊至攜二孫及媳周氏同投井死鄰巷婦女亦相繼陷井自盡後學使給以寒泉比潔

富平縣志稿卷九

節烈

三

嘗同治元年同逆突至避不及厲聲罵賊被殺死氏年己六旬有八

劉氏楊應新妻年十九同治六年三月二十四日捻賊忽至應新被執氏抱幼子向北急走賊追之急遺子井上自投井中死

黨氏伍錫恩妻年二十五孀居同治六年三月二十四日捻賊營堡外氏恐被獲投井死

李氏王法兒妻年二十五歲夫亡同治元年同逆入堡氏恐受執預投井死

劉氏伍錫爵妻孀居無子撫姪為子不營己出同治六年三

月二十四日捻賊營堡外氏預投井死年已四十二歲

曹氏楊大裕妻年三十四捻逆擾亂鄉人傍井掘窖以避氏本孀居子幼無力鑿窖急藏於鄰人之窖同治六年三月賊突入堡氏偕子女急奔赴窖而鄰門已扇其女年及笄氏恐被獲轉入廢宅中見有井母女並投而死惟子得免今已成立

呂氏白成林妻年三十五同治六年捻逆突至村中氏與女避不及為賊所獲並掠去女年十四氏同女伴隨行乘閒並投井死

王氏劉邦俊妻年三十一同治二年五月氏父為賊傷聞訃

寶縣志稿卷九

節烈

三

即日奔喪甫出城遇賊氏自毀其面并厲聲罵賊怒殺之面上指痕宛然人咸憐稱之

姚氏貢生劉在恭妻幼孝敬遇髮逆亂氏囑夫弟攜子速逃為宗嗣計囑勿以婦女累言畢投井死已

旌表入祠

張氏貢生楊懋基繼室前室子充蘭赴甘省習吏事同治元年同逆猖獗家中俱成灰燼子在千里外道路梗塞生憂勞成疾二年四月病危殆知不起囑氏曰我死汝宜他適言畢而逝氏並置兩棺將以身殉族人知其有死志力勸解之氏曰婦人從一而終將死之命乃亂命烏可從葬有日矣而賊

忽至持服自投於井族人義之為之同穴瘞焉

劉氏楊長娃妻年二十二同治六年三月二十四日捻賊突至氏避不及強迫上馬氏毒罵不已賊若不聞至路旁有井氏躍馬下投井死

黨氏楊永發妻同治四年七月初五日遭同逆之亂夫被賊殺氏號哭賊忽至氏恐受污急投井死時年三十八歲

郭氏田發雲妻同治元年同逆擾堡氏恐賊污投井死時年二十

程氏伍錫位妻同治六年三月二十四日捻匪營堡氏不屈投井死時年四十四歲王氏伍茂太妻亦與氏同殉節

寶縣志稿卷九

節烈

三

李氏伍景元妻遭捻賊之亂恐受污辱投井自盡

胡烈女名馥香玉貴之女幼字李年十六遭捻匪亂送歸夫家倉卒遇賊恐逼投井死

趙烈女紀荷新之聘妻同治元年同逆猖亂勢日逼父母送歸夫家未成禮而賊突至女惶恐匿身廁中賊欲掠之不從曳出強縛馬上女叫罵百端賊怒殺之於城外時十五歲

田烈女黨居智聘妻年十六因賊亂送歸夫家尙未成婚同治六年三月二十二日賊至弗及避恐受賊污投井死

成氏石作成妻年十五于歸二十二歲夫亡遺子廷全甫六歲氏撫教成立娶妻越十歲俱亡遺子孔宇孔安孔懷氏撫

育三孫辛苦備嘗年七十六卒

周氏姚希廉妻年二十六希廉卒家貧如洗遺子秀雲甫七歲氏茹苦含辛家無宿糧母家小康常為贖助氏常指雲泣曰子若不才母終作乞人婦也後秀雲成立氏猶督責無異孩提時苦節四十餘年

荆氏劉全義妻年十六于歸相夫以勤事舅姑以孝越四載夫亡遺一弱女氏痛不欲生因念姑老無依常為人傭工奉孀姑以壽終

翟氏孫宏妻年十六于歸二十三歲夫亡遺一子在襁褓中氏奉姑以孝聞撫子成立卒七十二歲

宣縣志稿卷九

節烈

五

王氏楊子法妻年二十四歲夫逝遺子甫三歲翁姑早逝惟兄嫂是依事之如翁姑因家拮据氏常茹苦含辛毫無怨言後撫孤成立苦節三十餘年鄉里賢之

郭氏小惠村人王自裁繼室生員德純母時姑李年六旬德純甫三歲奉姑撫子極盡茶苦李有瘋疾每作時氏侍之數日夜不解衣如是者二年病始愈李氏七十三終宗族鄉黨以賢孝稱

安氏王春秋妻于歸時氏年十六夫亡遺一子氏紡績度日教子成立守節四十三年同治四年卒

明氏石復禮之母夫亡復禮幼家貧氏以鍼帶撫子日常一

食復禮成立氏六十八卒

田氏祁偉妻年二十一寡事翁姑撫子姪備極辛苦八十五歲卒

樊氏劉全義妻年二十八寡事親撫子鄉里以賢孝稱六十一卒

劉氏強履憐妻年二十夫亡紡績度日撫子士保成立娶妻育子年八十五卒

劉氏強士保妻年二十五保死氏事孀姑劉備極孝養撫子逢慶紡績佐讀卒以成立茹苦四十餘年卒

馬氏西鄉侯家堡侯聰妻十七于歸二十四夫亡子生僅七月家又極貧恆不舉火而織紡耕耘備嘗艱苦終無異志享年六十餘卒

宣縣志稿卷九

節烈

五

紀氏姜仁妻年十八寡翁姑有疾必親嘗藥然後進之訓子姪輩讀書務農惰者飭之家貧織紡未嘗與親戚有所干乞卒年六十餘

王氏范中村吳鳳鳴妻年二十四寡撫一孤子僅三歲績麻耘田終無異志年七十餘卒

奧氏侯家山仁義村趙庭槐妻年二十夫卒撫子積善藉織紡以供子書積善年十九應童子試數病歸死於家時積善已娶婦施與姑奧勵節相依施先氏卒